

黔記卷四十目錄

官賢列傳七

知府府佐附知州  
知縣佐武校官

普定知府容道

普定軍民府知府者類

思州知府崔彥俊

石阡知府李鑑

鎮遠知府顏澤

銅仁知府田載

鎮遠同知徐彰

思州通判檀凱

思州推官唐賢

石阡推官康頴

銅仁知府王恕

鎮遠知府張英

通判黃鑑

鎮遠知府劉善

石阡知府胡信

黔記卷四十

官賢列傳七

元

思州知府賀讓

黎平知府黃恭

黎平推官劉行政

鎮遠同知何瑄

思南知府何轍

銅仁知府張隆

鎮遠知府毛鳳

黎平知府楊緯

石阡知府楊榮

思南知府王南

思州知府王常

銅仁知府楊顯嘉

銅仁知府周銓

銅仁知府堯卿

鎮遠知府王敘

鎮遠知府沈熊 徐虔

石阡知府余志

鎮遠知府李嵩

鎮遠知府周瑛

石阡知府祁順

石阡知府丁昶

鎮遠知府戴仁

思州知府張介

思州知府文澍

黎平知府袁盛

黎平知府張綱

銅仁知府周汝端

都勻知府凌文獻 杜禮

銅仁推官馳九垓

黎平知府張愷

知府汪藻

石阡知府任儀

思南知府金爵

思南知府羅璞

思南知府甯閱

思州知府李槃

黎平知府余桂

黎平知府祝壽

鎮遠知府劉武臣

程番知府何屋

銅仁知府徐紹先

思州知府高節

黎平推官徐馨

思州知府張柱

鎮遠知府羅鳳

鎮遠知府黃希英

思南知府周舉

鎮遠推官楊載春

石阡知府褚嵩

石阡知府朱黼

黎平知府王光濟

黎平知府夏玉麟

程番知府汪仲成

程番知府龍翔霄

銅仁知府李資坤

鎮遠知府廖梯

黎平知府孫清愍公繼魯鎮遠知府程燦

程番推官王尊賢

銅仁推官勞周相

思州知府毛希原

思州知府李允簡

思州知府符仕

思南知府葛鳴

李夢祥  
楊煦

石阡推官鄭廷璋

思南知府宛嘉祥

思南知府李充善

石阡知府蕭立業 王管

石阡知府李充

思州知府張子中莫如德

銅仁推官唐宗正

思州推官王制

思南知府田稔

黎丰知府劉汝順

思南知府帥機

思南知府陸從平

思州知府蔡懋昭

黔記卷四十一

恭和郭子章相奎父著

漢州宋興祖汝杰父校

貴溪畢三才成叔父正

宦賢列傳七

知府府佐

晉定知府容直

容直元大德中授晉定知府時蛇節宋隆濟等作亂直率  
眾禦之直率其妻適姑復宣力戎行遂改府為路而以適

姑爲總管佩虎符

大明

晉定軍民府知府者額

者額邏邏氏也習漢書通華語洪武初以爲晉定軍民府知府高皇帝御製誥文賜之誥曰西南諸夷雜處羣居古至于今雖稱每以事大之禮以尊中國其間能幾人誠敬而始終者邪朕統寰宇經理西南惟邏邏氏者額者平日習讀漢書善云華夏之言以理道深長論之篤於正一之道斯奉神之心弗怠若與講明安民之理亦有大善今授以晉定府軍民知府仍統舊部撫民練兵以聽朕命爾吏曹速爲施行毋怠往欽哉

額未生日貴州知府我明自者額始者額誥文見高皇帝御製文集新舊通志俱遺故特存之者額能讀漢書拜爲知府奢香入覲金陵封爲夫人高皇帝所以羈縻八番者意可知已今或虜使之鬼遇之犬羊譙詬之欲其無躄躄得乎

思州知府崔彥俊

崔彥俊新建人壬辰進士永樂十一年六月初設思州府

彥俊首知府事時庶務草創撫綏叛亡冒險經營編定糧  
差政教維新歷任一十八年夷風丕變又纂脩府志差老  
人譚祖慶奏報其略曰臣奉布政司劄付蒙 行在禮部  
貢字二百號勘合差主事林得等到司轉往所屬委曉文  
理官員及教官儒士採取古今事蹟并新舊書回京臣彥  
俊查得舊無誌書與同教官何輔照依凡例採纂造冊完  
備具 奏其慎重如此志稿尚存今祀府名宦

石阡知府李鑑

李鑑江西貴溪人進士永樂十一年首任石阡知府創制

立法導民變俗九載給由民不忍舍祀名宦

鎮遠知府顏澤

時澤

顏澤江陰人永樂十一年初設鎮遠以澤為知府勤政恤  
民秩滿民保留復任宣德元年澤奏以謝家寨為府治開  
設公署建立學校政績居多歷官福建參政有詩名

嶺衣生曰崔守思州十八年李守石阡九年顏守鎮遠十  
四年 國初二千石之任何其久也今由郎署得二郡眎  
若火宅惟恐不速去誰肯流注閭閻拮据米鹽為 國家  
計百年乎遽廬其官燕越其民吏治弗古有由然矣

銅仁知府田載

田載北平人由人材永樂十一年革思南宣慰司改流官  
載首知銅仁府事草昧之初結廬聽政招集遺氓相與漸  
次開創踰年官署學宮規制粗備外支夷獠內撫瘡痍苦  
心獨至

鎮遠同知徐彰

徐彰重慶府人同知鎮遠府永樂十五年建山川社稷郡  
厲等壇政有遺愛

思州通判檀凱

檀凱不知何許人永樂間為思州府通判洪熙元年冬十  
月九載滿當陞思州民詣闕言凱撫字愷悌乞復其任吏  
部以聞 宣宗歎曰貴州至北京甚遠民跋涉艱難求其  
復任必其撫字有道命吏部即遣還任予正五品俸以優  
之因顧侍臣曰爵祿所以勸士朕聞古人制祿之意有三  
曰優外官優小吏優故老優外官勉其治民無侵於下優  
小吏俾其廉潔優故老尊其宿德况州縣官之賢者先朝  
恒加祿矣通判外官可不優之乎

嬪衣生曰檀別駕九載思州民以聞於朝 章皇帝為增

其秩當列循吏傳乃郡省二志俱逸其名惜哉檀公事載  
昭代典則吾能徵之其不足徵者尚多也

思州推官唐賢

唐賢蘭谿人永樂間思州推官持身整潔刑政脩明祀名  
宦

石阡推官康頴

康頴字宜清江西泰和人永樂辛丑進士由評事改石阡  
推官惠政溢于口碑巖威攝于醜類矯解已清矯虔欽述  
青衿濟濟尤荷曲成

銅仁知府王恕

王恕山東長清人進士宣德六年由編修出知銅仁府先  
是治古答異二司苗叛總兵蕭授奉命討之至是復叛  
請仍綬督兵大征俘斬甚夥官冗糧多廩旣難繼金場脉  
盡課無所出恕請裁礦場內使巡場御史同知通判照磨  
大使等官又請罷金銀場郡至今無採辦之苦廩供之費

鎮遠知府張英

通判黃鑑

張英揚州人由御史知鎮遠府清介有守政事脩舉太守  
內署至英始建宣德七年卒於官同時有通判黃鑑學識

材幹俱優以禮義率民風俗一變

### 鎮遠知府劉善

劉善泰安州人正統元年由舉人知鎮遠府才敏學瞻政教兼舉公暇進諸生講論經史竟日不倦多所造就

### 石阡知府胡信

胡信廬陵人正統十一年由南曹郎出守石阡民依爲父十三年蜀後洞黑苗爲清水江生苗冠首僞號剗平王群醜亦僞金龍金虎之瑞珥匪茹嘯聚始而剽村掠寨繼而越境攻城首陷平越黃平白泥人莫逃生道路梗塞明年五月流毒石阡始犯龍底江適水漲不能渡縱橫各寨以掠越旬渡江臨城公堅守不動已賊入城公罵不絕口遂被害各寨人民奔竄執戮益以草塘賊屠虜其殘民府治遂爲荒丘

壙衣生曰胡公死於官義也亦分也邵志載其妻弟厲聲叱賊與公同死亦烈丈夫哉惜當時執政無有聞於朝者而胡公死事遂泯泯嗟乎吾鄉多節義無論文山卽曾公如驥守寶慶劉公子輔守諒江矢與城相存亡胡公守石阡固亦聞寶慶諒江之風而興者邪

思州知府賀讓

賀讓衡山人宣德丙午舉人知瀘州廉明平恕至好惡甚嚴不苟徇時權家畏之陞思州知府去任日瀘人攀號滿道留之不能得後數年爲立仁政坊以表去思守思州撫馭有方民夷俱安尋致政歸行李蕭然惟市瀝青數石爲身後計而已今廟食思州

黎平知府黃恭

黃恭上海人正統中由刑曹郎擢知贛州尋調黎平恭尊尚實政視國如家期年政平惠洽三年四封大治正統十

四年苗夷犯境逼府城會衛卒戍麓川未返城中無兵召募丁壯調發糗補與指揮戚安莊榮定計禦賊城賴以全賊平僵尸百里流血楮野恭爲掩骼招集流亡諸土司以賊故逋賦二三年所矣天又旱雪歲荐饑恭出俸薪以資公費無難色九年滿去少壯攀號老人兒泣曰黃君棄我歸乎

黎平推官劉行政

劉行政華容人景泰初以明經拜黎平推官智勇過人勤政不懈郡自正統末苗賊猖獗所在嘯聚攻剽城堡無寧

歲行政慨然以撫捕自效提兵四出親冒鋒鏑嘗深入窠穴諭以禍福賊不敢害甫半載諸夷懷德畏威四郊晏然司理凡六年

鎮遠同知何瑄

何瑄土人也初爲鎮遠州知州州革詔以爲本府同知何氏鎮遠大族世爲諸司長官瑄父濂始以長官舍人事思南宣慰田大雅何氏有九昇爲司印江長官卒大雅謂濟九昇裔孫保襲職後土官知州戴子英絕復保濟知州大雅卒子宗鼎立以事殺濟并購瑄急瑄展轉匿民間及

田氏敗州人始保瑄爲知州至是爲同知瑄爲人沈毅剛

果有遠識及備嘗險阻益熟於事幾正統末苗叛道路梗

塞朝廷以麓川平命兵部尚書靖遠伯王驥就彼移兵

討之閏正月攻印水瑄領土兵屬參將安順攻奧洞米溪

平陳等寨十月復領土兵屬都督陳友攻播州重安地方

於新莊舖等處截殺連攻陳溪翁角龍等寨二年總兵張

軼爲苗掩襲覆軍詔以右副都御史王來參督軍務合

諸軍進討瑄領土兵屬左都督毛福壽奮勇奪江進攻榜

嶼翁營計龍阿魯山保翁章香爐山等寨四年陞從四品

散官朝列大夫十月梧州草塘黃平二安撫司弗靖巡撫  
都御史蔣琳與左都督方英會議進兵檄瑄領土兵會同  
雲南都司征進都指揮王敬詹惠鄭儻等攻松平琵琶潘  
家等寨生擒賊首謝章度天順三年給 誥命四道本年  
瑄移疾五年男砥襲七年邛水苗復叛 詔湖貴二省合  
兵討之特貴州總兵李安湖廣總兵李震各駐軍邛水瑄  
以告老瑄子砥在行多病安等白贊理軍務右僉都御史  
王宜取瑄來瑄應命往擒賊命陳三清王亞養苗總良以  
獻時賊首苗蟲蝦苗女喬出老底額與官戰敗遁入內寨  
內寨率賊諸苗地險食足群苗欲保此自固以老我師瑄  
因多方設策竟擒獲蟲蝦等必獻乃班師成化二年橫坡  
鐵纜絞行絞視諸苗擁賊首謝用良攻思州府瑄告其子  
砥曰苗深入道繇邛水邛水吾分地當截殺擁兵者砥夙  
夜馳至邛水督長官楊秀高調民兵就于硬洞截殺苗大  
敗奪回人口牛畜甚多初王公以邛水戰不利欲引官軍  
還泣告曰官軍還百姓無遺類矣願少待瑄請督民兵死  
戰於是瑄前驅都督陳友以官繼之逐敗苗瑄見苗敗急  
請招撫告諸苗曰汝等皆認糧則無事矣瑄內撫外攘庶

務脩舉有子七疋登癸酉鄉第癸巳卯鄉第諸孫馴天  
衢同登巳酉鄉第或謂瑄所積厚此其食德之報云

思南知府何轍

何轍四川人景泰間思南知府懷柔遠人政平訟理興利  
除害迄今民猶頌之

銅仁知府張隆

張隆雲南臨安人監生初授杭州府知事擢通判知府天  
順三年復除銅仁府性簡朴有惠政雅尚文教首興學校  
群鄉子弟於其鄉塾而庭督之有弗率者屬所司召其父  
兄省諭之月朔則詣明倫堂宣布條約民漸向風其奉已  
約用法平孤介絕俗即奉入餘羨命吏籍記登之外帑常  
以代賦稅之不能輸者以勞卒于官無以為歛知府楊顯  
嘉請於當道優恤之遣子弟員護其襯歸

鎮遠知府毛鳳

毛鳳四川夾江人進士授戶部主事天順四年知鎮遠府  
廉介不苟平易近民七年卒于官

黎平知府楊緯

楊緯大理人進士七年以戶部郎出知黎平持身廉約政

尚愛惠黌宮規制未備且圯緯更治而新之爲考祀典廣  
生負凡府中廨宇壇壝倉庫靡不興舉居黎七載治績最  
多擢山東叅政

石阡知府楊榮

楊榮青神人進士天順八年任石阡知府律已以嚴愛民  
以德一新府治百廢漸興歷任九年陞本省左叅政

思南知府王南

王南長壽人成化間思南知府才智穎敏不撓於物恤孤  
教士嘗重緝府署學校民不知擾

思州知府王常

王常馬湖人進士成化元年思州知府公平勤敏脩葺廢  
墜重建城池始事於成化庚寅訖工於甲午本省按察使  
新淦盧秩爲之記曰思州府治春秋時本楚黔中之地秦  
漢吳隋唐以來郡治州治建置沿革隨時變易莫有定制  
宋大觀丁亥蕃部長田祐恭願爲王民始建思州卽今思  
南至元間自龍泉坪改置思州宣撫司於此 天朝鼎命

率土賓王洪武壬子改思州宣慰司永樂壬辰嗣宣慰者  
肆惡干權 憲典遂革宣慰司爲思州府入隸貴藩而領

四司自是典郡者率 天子命吏然而後先相代往往視  
解宇如傳舍間有草創復為苗寇焚蕩迺成化紀元之初  
巴蜀王君常以民部尚書郎奉 天子簡拔來知是郡仁  
聲流布義聞遠揚未及三載民有經業乃議築城維時總  
戎吳經叅戎彭倫俱頓兵清浪保障邊陲遂協心贊襄力  
主其事經始於成化庚寅訖工於甲午歲凡五更役凡萬  
徒為城一千三百步悉建連屋其上覆以陶瓦防風兩霜  
雪之凌周闢四門架層樓以置鐘鼓為寅夜之儆界四門  
以畫通衢因地勢以建公舍者逋逃四歸商民聚處環城內  
撤比蜂屯鮮有空隙絃誦洋溢鷄犬熙蕃非復萍浮星  
散昔之蕭索也蓋吏有所據以治事民有所倚以為安不  
逞之徒消其覬覦之謀流轉之民去其脆脆之厄宜其皆  
安堵奠枕於今日矣常今祀名宦

銅仁知府楊顯嘉

楊顯嘉吉水人進士成化三年以工部員外郎出知銅仁  
猶介有執持以獎能扶弱為念謂士之秀民之良皆一方  
元氣委曲扶衛卽毛舉鷙擊鄙之不為也郡治正統間燬  
於苗棟宇俱燼戒工作一新之民不知役栽培桂栢至今

有蔽芾遺思焉

銅仁知府周銓

周銓直隸興化人進士成化十年由比部郎知銅仁以廉潔風庶吏以寬恕綏民夷有訟者田數歲不能決諭以大義皆頓伏稍間進諸士隨問指授一時人才多所陶鑄廟學卑隘弗稱隣有曠地可拓召民蔣魁盧銑語曰而不聞吳中石湖公事乎魁銑諾而郡人李松亦願以園地輸學宮則魁銑倡之也郡初知學諸生額數少諸督學使增廣之今矜佩濟濟其遺澤云

銅仁知府堯卿

堯卿四川安岳人成化己丑進士丁未知銅仁以恬淡為政往來禮節甚簡嘗曰剥民求媚以自肥何益民間爭訟出數語直之無苛求者民愈久而愈安之任九年致其政歸

鎮遠知府王叙

王叙臨汾人成化七年由監生知鎮遠府事神恤民俱有實政造各壇祭器八年憂去

鎮遠知府沈熊

徐虔

沈熊歸安人徐虔揭陽人俱由進士成化十五年熊知鎮  
遠府殷殷政理嘗遷學議建府治未幾憂去十六年度繼  
之始克竣工

石阡知府余志

余志邵武建寧縣人進士成化十五年知石阡府經略有  
爲政績明著傳胡知府王烈女死事以崇節義作風鬼洞  
龍洞辨以祛民惑且時陰雨彌月民甚苦之志乃作靈  
文以訟之其辭曰陰陽肇分天地開廓五行迄運四時交  
錯寒暑有恒兩陽特行若民物乃亨四方同樂胡茲貴陽僻

在南陬氣候不常異於中州蓋界乎須播之僻遠鄰於庸  
蜀之陰幽諸夷雜居萬山綿亘林木葱蒨煙雲拂境嵐濕  
翠以淒迷霧生塵而隱映朝過辰今日未出暮方申今天  
已曛或淫雨之連旬覺陰氣之尤盛驟者滂沱兮倒海翻  
河細者蒙蒙兮迷村鎖徑宛乎鴻濛混沌之先黯乎高唐  
夢寐之頃商羊屢舞石燕頻飛鶴鳴于埳鳩逐其雌陽鳥  
乍現兮倏尔蔽虧晚霞欲麗兮俄又翳之或雷鼓之喧填  
或電光之陸離雲頭變隼天蓋低垂連朝點滴徹夜霏微  
竇生魚兮蛙產竈苔滿砌兮草侵岐床床濕漏處處淋漓

行者阻程居者愁饑煨新坑粟惟火是資太陽失常明之  
職后土無乾燥之時陽石之鞭弗應漏天之補其誰瞻茲  
恒陰於時爲異旣愆于數亦拂乎理此露晷莫達見諸楚  
人之騷終風曠霾形于衛風之比傳咸多遠寓之懷李白  
傷浮雲之蔽仲舒思縱陽而閉陰宗元欲扶蜺而誅蛟凡  
若此者無乃患天時人事之失經而各發其感嘆之思邪  
茫茫兩間必有真宰此而不治其患將大吾將訴于上帝  
帝哀此下人揮萬仞之長劍劃千疊之頑雲命蟠螭爲前  
驅遣飛廉以清塵羲和控轡黃道馳輪曜靈顯光龍騁其  
神八荒清明萬象咸新普天之下率土之濱孰不瞻陽德  
之炳煥觀天地之無垠於是河漢月星各有常度寒暑晦  
明咸循厥序宜暢當爾氛祲不生疾厲除去物類以繁人  
無怨苦豈非太平之盛事吾人之幸遇者與歌曰陰曠之  
闢兮上帝之力兮下民咸懌兮昏濁之澄兮上帝之能兮  
四海永清兮

鎮遠知府李嵩

李嵩汝安人由監生成化二十年知鎮遠奉公持法以忠

謹稱

鎮遠知府周瑛

周瑛莆田人進士成化二十三年鎮遠知府富文學勤政事常言本府前逼大河後迫高山勢難固守府衛不合城堡不復咽喉不守難禦勅苗乃上疏曰本府東連沅州西接播州中間道路險阻乃雲貴往來所必由而所屬邛水施秉等司縣又與洪江一帶生苗接踵百姓無事皆帶鏢弩有事則膚刃接故鎮遠者雲貴之門戶也邛水施秉者鎮遠之襟喉也欲通雲貴當守鎮遠欲守鎮遠宜經營邛水施秉等司縣此形勢之可考事理之必然也臣瑛待罪于此苟有所見不敢緘默一合府衛以却外夷本府原係湖廣所轄思州思南二宣慰司故地國初開創西南境土乃設平溪清浪偏橋鎮遠四邊衛以控蠻夷以通西南道路永樂十一年朝廷以宣慰使田琛等構惡詔削其官創貴州布政司分其地為鎮遠思州思南石阡銅仁烏羅新化黎平等八府俱屬貴州平清鎮偏等四邊衛仍屬湖廣正統十四年本府地方苗賊生發民兵不能獨制而四衛屬湖廣不敢擅動阻隔江湖文書往返動經數月遂致賊勢滋蔓攻陷城堡殺戮人民及勞朝廷遣將調

兵始克平定後議者於清浪設參將一員及撥湖廣武昌等一十三衛所官軍前來協守近來苗賊入境百姓望救急在旦夕主將亦以湖廣為礙不敢輕動湖廣官司或又從中牽制之主將恐擬其後未免徘徊顧望臣等聞兵速則可以得志勢分則難以成功坐此不改誠恐禍變之生不但正統十四年已也夫分府衛以屬兩省名犬牙相制合府衛以歸一省名臂指相使犬牙相制互相倚角臂指相使互相運用古今皆已行之合無從長計議將本府割屬湖廣惟復照今日事體所宜將平清鎮偏四邊衛官

屬貴州庶幾父子兄弟相為一家手足腹心相為一體緩急調度不致掣肘一立城池以固門戶本府舊無城池正統十四年苗賊猖獗倉庫劫奪人民殺害往事未久良可鑒戒本府前逼長江後逼高山參錯廣輪丈不盈百成化間水漂火焚况敵入境自高臨卑勢難固守看得迤西三里地名平昌與鎮遠衛教場相連其地山川迴合基址高爽就彼設立城池頗為便益及訪得相見堡接遞軍人洪武年間屬沅州後以寫遠改屬鎮遠衛本府既立城池不用他處撥軍護守只將相見堡軍人撥屬本府帶管一以

遞送一以防守兩為得所地方便益則鈐制不分于遙勢  
而供役可得于近效矣一復城堡以保居民照得本府所  
屬施秉縣舊有地名岑麓等四堡印水蠻夷長官司舊有  
蕩洞等一十七堡鎮遠蠻夷長官司舊有金浦一堡百姓  
平居無事出耕山野有警則送妻孥入堡自與接戰故進  
有殺敵之勇退無顧家之慮此於邊事大有所益正統十  
四年苗賊猖獗將各堡焚毀一向未曾修復天順成化等  
年本府并印水長官司各另具奏於敵路要衝總立蕩  
洞岑樓八弓得民四堡荷蒙 列聖憫念邊方俱 准施

行經冷三十餘年為因夷民貧困不能自築而湖廣備守  
官軍如秦人視越人肥瘠曾不加之意以致事功無就惜  
哉臣等熟計以為修築城堡非惟居民之利亦官軍之利  
也蓋城隍立則居民自固敵人不敵深入軍免於赴敵而  
官亦得以自保其利甚博乞 勅令叅將王通摘撥官軍  
協同本府居民先將奏准蕩洞等四堡如法修築包砌  
其餘該修堡分亦以漸修一分鎮兵以檢咽喉照得印水  
施秉與洪江一帶生苗接踵苗東入則由印水西入則由  
施秉近據印水長官司申稱宣德年間嘗分兵守邊正統

年間因征麓川掣回軍馬苗遂深入臣熟觀形勢清浪屯聚入馬是守把在外道路至苗所自入如中水施秉等處藩籬單薄非策之善也如蒙從長計議清浪只留叅將一員統領大勢入馬其都指揮宜摘撥人馬或二千或三千就于中水蕩洞或得民等處駐劄分屯要害遇小寇就便哨捕遇大寇馳報本鎮互相應援如此則聲勢聯絡敵不能測是爲楹其咽喉而制之命地方便益疏入惜未見之施行又嘗編修本府志書採摭最備歷官四川布政使入理學名臣

蟪衣生曰子邑梁中岡御史始爲興化司李而景周翠渠之行於鄉旣爲鎮遠太守而識周翠渠之政於郡乃作懷周堂而系之詩周之月且官箴居然一君子也闕志入理學名臣宜乎是時石阡祁知府順文學才器幾與周埒至今稱鎮石知府曰周祁云

附詩遊西峽山經歲不尋西峽舟與君偶復作清遊山含細雨衣全濕水泛青天身若浮人世幾番塵土夢視闌萬里鬢毛秋短蓬未許全收拾更有煙波闔海頭○題高處士梅軒婁溪畫無車馬諠靜愛寒梅繞素軒風

送暗香來几席月移清影到琴樽花如東閣時裁句人  
似西湖畫掩門應是江南宜歲晚先春和氣發乾坤

石旰知府祁順

祁順字致和東莞人天順四年進士事陳白沙先生爲高  
弟成化十九年以叅政左遷石旰才智豐敏文學優贍石  
鎮山川多所題咏公餘之暇作宦適軒爲之記記曰成化  
壬寅予自江右藩司來知石旰郡事貴州在京師西南七  
千里外古夜郎牂柯之域朝廷使有罪者居之蓋欲其  
嘗險阻履屨蒼而省躬思咎也幸今天下承平四夷八蠻  
罔不從化而貴州自入職方百有餘年民樂耕稼士知問  
學頑梗之俗變爲禮樂衣冠久矣石旰地阻而僻其民朴  
而少爭貢賦易完賓客罕至吏于是去無迎送之勞無催  
徵之迫無獄訟之擾而山水登臨之樂乃兼有焉是故仰  
而觀山則適乎目俯而聽泉則適乎耳優游於詩書文藝  
觴咏之間則適乎心出入起居動作食息無往而不適也  
蓋務繁華者必於都會之邦志幽靜者必於窮僻之境吾  
從仕中外二十餘年都邑之雄富人物之盛麗固嘗覽之  
矣然或朝謁之拘或宣理之勤所職有兵事焉有錢穀焉

有訟牒焉凡耳目之所接心思之所及者皆是事也簿書  
期會之餘則賓客往來之交也當其冗劇之際雖欲放情  
物外求一日之適何可得邪茲獲脫彼之勞安此之佚自  
適其適而忘其有罪之憂上之爲賜也大矣昔之人有  
居清華之秩而以煩劇妨其賞適爲恠者夫彼此不能兩  
兼而賞適充吾性之僻失乎彼得乎此夫可謂之不過邪  
雖然吾不敢以己之適而忘悔艾之心亦不敢不思己之  
所以適而圖報上恩於萬一也於是名其退食之軒曰  
宦適且爲之記以自觀省焉又曾纂郡志及他制作皆偉  
麗可傳歷宦布政使所著有吳川集

附詩石阡述懷勇兒弧矢平生志歷遍中華到石阡推

髻丹裳荒服地劔牛刀犢太平年兩餘山翠開圖畫夜

靜泉聲落管絃俗客不來公事簡倚窓頻和白雲篇○

不獨桃源道路深此中幽僻更難尋山泉恬淡有清意

庭草低回無怨心曉榻白雲侵紙帳夜窓明月伴瑤琴

寒時辛與閑中稱且作先生號醉吟○登樓寄友懶把

衷情詠十離窮邊風月樂相隨閑傾六一先生酒徧讀

柴桑處士詩雲鎖洞門無客過翠交庭草有春知君親

睽隔心盟遠世路悠悠不盡思

嶺衣生曰粵大記載天順四年讀卷官先定祁順為第一以其姓名近 御諱不便傳臚乃以一變卷易之置順二甲第二名陳白沙集載與祁致和詩六年飽讀石阡書習氣而今想破除雪月風花還屬我不曾閑過邵堯夫則其人品文學大略可見子二敏敕俱舉進士

石阡知府丁昶

丁昶字德輝蒙化人成化戊戌進士以郎中遷石阡府知府郡先燬於苗公下車建府治修儒學其他公署壇廟郵驛倉廩咸新之設鐘鼓以警晨昏儲粟帛以賑貧乏訓士教民逃亡復業未幾卒于官卒之夕有烈風星殞之異士民哀之囊無餘貲有司助費以歸所著有公餘清韻遺稿若干卷

鎮遠知府戴仁

戴仁大理太和人舉人成化間由教諭累官鎮遠知府府舊有羨稅四千餘金為交際需前守強半入私橐日增稅額商賈患之公至編稅為三百六十分以備日支羨二千餘盡裁亦不暴於當道或勸之暴公曰張已形人非吾心

也述職得循良上考臺省旌其門曰循良進松茂兵備歸里不治第館賓於門設榻於屏自號無懷先生卒之日家無餘財郡守吳巖泣數行下爲之殯殮  
殯衣生曰予讀雲南通志丁石阡卒於官囊中遺書而士民哀之戴大理卒於家家亡餘財郡守至爲泣下皆古之遺清也而黔志不傳嗚呼文之不足也如是子又惡知丁戴二公外亡遺者乎

思州知府張介

張介內江人成化二十年知思州敦實老成政體諳練脩治郡學親爲講授士習一新祀名宦

思州知府文澍

文澍字汝霖桃源人籍滇南成化丙戌進士授南京刑部主事歷官負外郎中獻獄詳慎出補重慶知府政尚寬平有古循吏風值歲凶發粟萬石以賑饑全活者衆有劇盜嘯聚山澤諭之使復業盜感其誠尋解散性坦直與監司齟齬調貴州思州歸耄耄手不釋卷

黎平知府袁盛

袁盛湖廣襄陽人成化二十三年知黎平治尚清靜政平

訟息論者謂其治夷以不治刑期於無刑人以為知言

黎平知府張綱

張綱直隸涿州人弘治進士為御史六年出知黎平府時  
府署猥陋又處衛西綱至病其湫隘請移衛倉拓基為府  
其明年謂鬻官弗稱復市地增修之學士媿快綱性廉智  
自持為政期於必行然以愛民為主去之日吏民如失怙  
恃

銅仁知府周汝端

周汝端長寧人成化間舉人尚書洪謨子授戶部司務轉  
中府經歷逆瑾伏誅條上五事俱見嘉納弘治中陞銅仁  
知府至則興學撫叛漢夷懷服陞河東運使進階謝病歸  
都勻知府凌文獻 杜禮

凌文獻遂安人弘治七年都勻知府初創府學度地鳩材  
規制大備豐城杜禮繼之廉明仁恕興學化夷不煩有司  
平叛賊有功於地方

銅仁推官馳九垓

馳九垓四川仁壽人舉人弘治十年銅仁推官清白慈愛  
有長者風讞鞫多所平反諸苗倡亂深入撫處卒寢其變

常署郡值歲饑請賑不待報而發人多止之曰民旦夕急  
寧我無官無寧民無食其愛類如此擢判景東道經銅江  
雖山谷細民爭相擁馬首東送之

黎平知府張愷

張愷無錫人以進士授刑曹即弘治十三年知黎平四載  
擢兩淮鹽運使愷治郡務在躬行化導拊循苗氓期用夏  
以變夷未終其志其於文事武備燦如也嘗欲纂郡志不  
果作志夷雜詠傳於世

張郡守十二縣司詠東髮加巾幘耕桑事苦辛當年屬

新化彷彿是編民訂六倚山爲險阻操刃恣彊梁賴有

耕耘業猶知保故鄉上六去城一舍餘遠近分十洞團

寨四郊去附郭民頗衆潭上下兩團新潭溪是近隣山

坑雖未遠終不類齊民舟曹滴號三千天甫上中下遠

者分八脚脚脚務豪霸洞古州名八萬幅幘號最廣

唇齒曹滴洞親讐互爲黨古洪州州頗洪地與廣西接

上下八洞分美惡相雜州福祿永從洞縣自我朝

設南與邕管連夷民頗稠密永皇朝置郡時附郭是

茲司物力今全絀猶能存舊規新地促民充寡腴田也

不多糧徑雖易辦其柰繭絲何嗚山環水抱沉男女躬  
耕作民力既無遺年來漸蕭索亮編民不滿百苗寨四

十八地瘠人復貧頗知畏紀法聯悠悠中林民城府迹  
如婦儻無苗寨警生計良可保林中

知府汪藻

汪藻內江人幼稱奇童七歲補弟子員登成化十四年進  
士由翰林兵科給事中首劾汪直王越開邊釁立西廠帝  
上罷廠出為知府始任程番民夷畏服嘗拓築郡城遷建  
府治不煩於民政暇請學課諸生不輟已任石阡卓有政  
聲都勻兵變藻定變與有功焉祀名宦

石阡知府任儀

任儀閬中人進士弘治十四年知石阡府賦均訟理晉安  
兵變督餉有功民為立去思碑祀名宦

思南知府金爵

金爵綿州人進士弘治間思南知府宅心仁恕平易近民  
祛積弊革橫征立五年四空之法以便編徭民懷其惠嘉  
靖十五年祀名宦

思南知府羅璞

縣志卷之四

知府

三

羅璞吉水人舉人弘治間由紹興府同知陞思南知府長於政事尤擅文名重建府治作興學校繕築城垣民至今賴焉嘉靖十五年祀名宦

全 思南知府甯閱

甯閱河南湯陰縣人舉人正德間思南知府廉慎剛果時蜀寇方四大舉逼境守土巨室攜孥賞窺入崖穴公廉之慨然以死守自誓晝撤渡艇夜靜則躬督巡邏有私逃匿者三尺繩之且率民間義兵親禦弓馬又于各關外深溝重壘賊騎不得闖入後因鎮草夷兵經過公建畫出奇賊遂破陞運使去之日民皆攀轅涕泣不忍舍至今懷之嘉靖十五年祀名宦

思州知府李槃

李槃豐城人正德初知思州存心蒞政惟務安民時有枯榴復榮之異祀名宦

黎平知府余桂

余桂綿州人正德二年知黎平府性果毅有為在郡多所興革居亡何調守黃州

黎平知府祝壽

黎平知府祝壽

黎平知府祝壽

三

七

祝壽歷城人正德中進士歷兩淮鹽運同知遷黎平知府  
剛正沉毅禁令整齊土司苗夷靡然望而畏之時府署自  
弘治初脩建逾二十年所郡堂屏墻垣蕭然宋庭風雨壽  
耻之始編置里甲下令更新規制大備民不告勞上聞以  
爲能六年遷爲雲南叅政歷廉憲河南布政使論者號黎  
平賢守第一云

### 鎮遠知府劉武臣

劉武臣宜賓人進士正德二年知鎮遠愛民不擾政暇親  
課諸生軍民爲立生祠于玄妙觀石崖下性倨不能徇俗  
見尤於當道祠尋毀今指揮苟世髦宅有劉公生祠四字  
碑一座有祠堂八景刻本

### 程番知府何屋

何屋新城人正德間知程番府馭民以寬彌盜以武郡人  
至今思之入祀

### 銅仁知府徐紹先

徐紹先歙水人進士正德五年以駕部郎知銅仁先是鎮  
谿草子坪苗叛公請湖貴二省兵合剿而提兵者以權解  
去苗復大叛先慨然以身爲干城繕城備堡芻糧治器械

募民間驍士數百人訓以技擊鼓以忠義誓不與賊俱生  
諸夷聞而憚之性敏決有斷訟庭一空

### 思州知府高節

高節上元人正德九年知思州撫拊夷民經術訓士郡故  
無題名節伐石紀之叅議蔡潮爲記略曰思爲古黔中地  
歷隋唐宋元沿革不一國朝吳元年前宣慰田氏歸附  
隸湖廣行省永樂壬辰田氏弄兵坐廢改宣慰爲府分屬  
貴藩然地僻民貧且荐罹夷燹日敝敝焉鞠爲荒翳往年  
郡守王君常張君介漸次脩舉而文獻猶未足徵正德丙  
子秋上元高君節守邦之三年嗟茲缺典博詢於長官周  
縉何純輩其所記憶前人之名氏籍貫凡二十六人屬記  
於予予惟思郡叢爾一隅猥潛荒服重以夷氛歲歉之故  
吏茲土者恒以投瘡禦魑視之速欲解去不能一朝寧處  
自崔賀著治以來能乂安其位不甚鄙夷其民者王張趙  
李唐孫嚴柴暨今高趙數公焉高侯又能於勞來安輯之  
暇以經術訓飭子弟且充徵文辭以表章斯郡思何陋矣  
節後以征苗功超遷衆政祀名宦

### 黎平推官徐馨

徐蒼湖廣咸寧人舉人正德十二年授黎平推官獻獄佐  
郡治績燁然遷為臨清州守

思州知府張柱

張柱涪州人正德十二年知思州性剛直禁止淫巫作興  
士類重建儒學參政蔡潮記其略曰張侯柱由地軍卽屢  
遷而守思思城周不及一里府舍接學宮敞解蕭然茅茨  
塞道數夷民晨衙畢寂焉如無人之境士習靡所歸宿宦  
游亟欲求去貴人郡最下者也侯始至安處之毅然以脩  
復爲已任乃節縮俸入悉心經畫新建號舍二十楹樂器  
俎豆齋廡庖湑之屬與凡學宮所宜有者井井咸備殿堂  
門廡則易其朽腐而加以丹堊甍甍之工郡治廳事內外  
爲樵樓以正時又其外爲棹楔三以別公署爲敵樓四以  
禦外侮至是入其境規制華嚴煥若一都會迄於今士民  
共德之

鎮遠知府羅鳳

羅鳳上元籍江西泰和人進士由南道御史知兗州府嘉  
靖三年調鎮遠善詩多吟咏鳳筮仕爲興化推官與周公  
瑛善周昔守鎮遠有善政後二十年鳳亦出守作懷周堂

又作玩易齋俱系以詩又建德禮堂後守程齋爲之銘銘曰德無常師敬以持已禮有定體宜民而已賢哉甲岡德禮名堂道之齊之嘉言孔彰吾奚以禮吾奚以德先聖是遵前脩維則甲岡鳳號也

附懷周堂詩我昔筮仕初莆陽謬司理郡有翠渠翁佚老清湖埃翁惟人中龍同時寡倫擬公餘輒請益辛不爲翁鄙三年挹光風過從日九幾及我受代歸特贈鎮陽紀補綴成完編親書十五紙憶當拜嘉時相謂偶然耳詎知廿載後量移與翁似事既有先幾隨翁聊爾爾獨愧庸劣姿無能趾翁美名堂壽遐思曼壙恒仰止○玩易齋詩平生務佔畢老至不憚劬甲摹與手錄四庫頗有儲魯邦投劾歸卒業理鉛朱豈徒事糟粕亦或竊緒餘部符忽再下播遷落荒隅窮崖路絕確無能致行厨顧瞻中笥中幸有四聖書捧齋肅容對把卷勤居諸象辭與占變寔作我範模微顯本一理體用原無殊我年逾五十愆過何由除進退諒從我時哉復吾初

鎮遠知府黃希英

黃希英莆田人進士嘉靖間知鎮遠善詩文改中河洞爲

紫陽書院自爲記遷長瀘運使道沅州未謁當事者尋被  
論羈留於府卒

附黃希英擬峴亭詩江心怪石大崢嶸濤擊孤根萬古  
鳴直訝鰲頭翻浪影更疑蛟室泣珠聲雲開錦幃圍春  
今日射朱甍倒水明光景撩人看不暇滿懷詩思欲彭  
亨○高臺迢迢絕浮埃公館元因古剎開老樹系藤  
繚繞小塘綠濕水縈迴青苔聊試謝公屐碧渚須開袁  
紹盃石洞壑封人已遠多情野鳥日還來

思南知府周舉

周舉山東鄒城人進士二年任思南知府宅心侃直剖決  
如流獄無淹滯尤善作人每政暇輒石諸生講論多所發  
明陞雲南副使未任卒嘉靖十五年祀名宦

鎮遠推官楊載春

楊載春鎮遠土推官欽之子也篤志好學弘治間中雲南  
鄉試襲推官屢征有功嘉靖四年詔載春既中鄉試加俸  
二級授正六品職事進階文林郎貤封父母妻

石阡知府褚嵩

褚嵩華亭人舉人嘉靖十五年石阡知府省夫馬除豪橫

課諸生濟貧士善政種種以直道不容去郡民如失怙恃  
祀名宦

石屏知府朱黼

文林閣直學士

朱黼安福人舉人嘉靖二十三年石屏知府庭無留牘視  
民如傷當時沾庇至今遺思祀名宦

平知府王光濟

王光濟陝西商州人初為大理寺正嘉靖十一年擢知黎  
平府廉直有為庶務脩奉居四年遷長官備運使

黎平知府夏王麟

夏王麟常熟人嘉靖初進士初守建寧十六年調黎平府  
才裕識敏銳志樹立堂欵西通天甫置驛以達貴州南拓  
五間之地闢府街列置十三司轄未幾內艱去郡人惜之

程番知府汪仲成

汪仲成績溪人嘉靖二十年知程番府刷姦弊絕苞苴脩  
金湯立保甲士民德之萬曆四年入祀

程番知府龍翔霄

龍翔霄字潛之武陵人正德己卯舉人性孝友自守介潔  
初知蜀閬中補雲南太和以循吏稱召為駕部郎清料稅

革夫牌宿弊鄉人賴之嘉靖二十二年出守程番以禮讓  
變易夷俗歸泗州流徙之民正金石司擅殺之罪德威茂  
著入祀貴陽名宦性尤好誼喜周人之急鎮遠守袁成能  
道經武陵遭疾卒爲具棺殯之償之金弗受思思吏目高  
守仁過常資乏不能前鬻幼女於人爲道里費翔霄聞之  
爲贖以還此其政行表表在人者如此

銅仁知府李資坤

李資坤昆陽人舉人嘉靖二

一年以比部郎知銅仁府

先令宜城嘉定有惠政意氣

本器宇山疑絕耻世之脂

韋逢迎者與學造士終始不倦舊城狹隘生齒繁殖不足  
以供蓋止度曠土之可城者召民入值以其值城之東山  
在城中爲鎮山爲郡左臂建大觀樓于其巔以翼護之興  
大役而事不煩民不擾其經濟樂可觀矣見祀名宦

鎮遠知府廖梯

廖梯莆田人進士嘉靖間知鎮遠府清苦自持埽梧葉代  
新秩滿致仕

黎平知府孫清愨公繼魯

孫繼魯字道夫雲南右衛人嘉靖中進士爲人慷慨有大

節出守衛輝迂權璫被逮民臥轍而死者數人調淮安例  
有羨金巡撫與府互相爲私公一介不取而亦一介不以  
媚巡撫又調黎平治郡三載正法制飭功令拯弱鋤強恩  
施甚美自奉泊如也罷里甲省煩苛清白之名著海內遷  
湖廣提學副使去黎之日老幼攀車莫不涕泣交下有去  
思碑在靖州城南歷官右副都御史巡撫山西與總督翁  
萬達爭擺邊議不合被逮死於獄死之日晉數百人哭於  
燕其得人心若此隆慶元年太宰蒲坂楊公爲公雪冤其  
踪略曰孫某才識通明見閭閻洽歷郡藩而法無曲意司  
文教而士每傾心力爭擺邊之議耻於雷同撫臣亦有何  
罪竟成繫逮之冤敢於貝錦督府難免徇私 詔贈兵部  
左侍謚清愍仍賜祭錄後

續采生曰黎平志不載公衛輝事雲南志不載公黎平事  
黔通志不載公山西巡撫事予三收并載之庶幾見公太  
節不徒黎平循良之蹟已爾

附孫清愍公詩○與郡人范府遊雲崖洞踰山山高  
插天千家萬家星斗懸晚眺裁眉半輪月朝看白帝一  
江烟別駕旌旄少府崇黃堂觀是玉珍宮勇退急流輕

富貴乞骸強仕真英雄歸家社會雲崖洞草峯仙子詩  
神送龍麟龜鳳天巧成風花雪月山靈控社中諸老識  
者稀巖峻潺湲入素琴一曲一彈忘歲月那知季子多  
南金虛旋子真往谷口又似高山增皓首風流未比習  
池歸醉翁不在環滁酒闌予高興索品題驅車相與坐  
深谿喜有茱萸應重九還無風雨淖丹梯忽憶杜陵思  
宋玉搖落悲秋爛歌曲我亦留神惜白駒願言皎皎光

空谷

鎮遠知府程燦

程燦南城人舉人嘉靖二十六年知鎮遠府視國如家視  
民如子才器揮霍而詩文藻績又足潤而色之鎮遠卽僻  
郡凡山川崖洞亡不經品題大而城垣小而衙署亡不脩  
建而各有紀述續脩志書典則詳麗所爲詩文具詳志中  
是時鎮遠衛有刁軍雷文七等呈楚兩臺欲杜鎮民幫貼  
夫價且言貴州兼制不便燦具公移詳辯其略曰文武軍  
民莫非王臣湖廣貴州莫非王土英雄豪傑行政無所事  
而事之至於編審差役夫馬則量地方繁簡裒多益寡稱  
物平施如其善邪合之萬口無訶則行之萬世無弊少有

偏私甲可乙否則朝更而夕改矣故英雄豪傑行政視理之是非而已矣事之有無而已矣故不肯以百年定規聽無籍之言爲適從也鎮遠衛軍夫扛檣誠困苦矣然止雲貴官員往來有數也非若南直隸之徐州滁州北直隸之河間真定水陸交會四通八達者可比也今查得經過官負有夫有馬有廩給口糧有柴炭油燭鋪陳什物如親臨上司有心紅紙劄夫役軍衛也馬匹有司廩給口糧有司也柴炭油燭有司也鋪陳什物心紅紙劄有司也是五者軍衛有其一府有其四以軍夫扛檣而告有司幫貼不知廩給口糧馬匹柴炭油燭鋪陳什物心紅紙劄軍亦幫貼於民乎否也地方師旅巡撫總兵守巡俱住劄鎮遠府一年二年之久圍隨防守官軍數百不知鎮遠軍衛會應付廩給口糧馬匹柴炭油燭鋪陳什物心紅紙劄乎否也差役莫繁於留都軍民各有定分黃馬快船屬四十八衛迎送夫馬屬上江二縣內府供應器皿屬各行鋪戶勾攝詞訟緝捕盜賊屬五城兵馬轉輸莫大於漕運軍民亦有定分米出於民運撥衛軍若蘇常之白糧民之米亦民自運也不與軍衛干涉今欲鎮遠衛扛檣而告民幫貼是留都

黃馬快船可以告有司舖戶之幫貼江南江北之運軍可  
以比例蘇常白糧之自運有是理乎否也有是事乎否也  
按志書鎮遠府民元總管田仁智殘民也洪武五年爲鎮  
遠州屬湖廣布政司洪武二十三年設鎮遠衛五所思南  
宣慰治鎮遠州固苦軍侵已乃奏徙思南永樂十年宣慰  
田琮田宗鼎互相屠戮朝廷遣工部侍郎蔣廷瓚按狀  
多不法罪田宗鼎永樂十一年開貴州布政司改鎮遠州  
爲府是衛先於府也民之苦於軍非止今日也按地理府  
治在河北石屏山下河崖一帶之地市無重街衛則有碑  
城五門週圍六里零一百步城內有五山曰五老峯是衛  
大於府也府屬鎮遠施秉偏橋印水四縣司止六里民糧  
共八百七石六斗六升衛則跨辰州鎮遠思州石屏偏橋  
印水施秉之水田陸地者八十八屯思南二十三屯麻陽  
二十二屯共一百三十三屯徵米豆二千三百二十三石  
二斗一升又隸縵剖蠻夷長官司額糧八十石歲派繳浦  
辰溪黔陽三縣秋糧共一萬四百石是府之歲收止八百  
石衛之歲收則一萬二千八百石是衛廣於府也鎮遠府  
衛要貴通衢有店房止宿行貨之商有經紀牙僧居貨之

賈此軍民之生藝也今查得米豆魚鹽磁器牛馬店戶經紀俱是軍舍充當是商賈之利軍舍多獲於民也由此觀之則廩給口糧馬匹柴炭油燭鋪陳什物心紅紙劄凡所以應付往來經過官員者軍當倍出於民然民負屈不敢伸訴推避者法立於一先朝事遵於歷代不敢倡爲浮言以起邊釁也鎮遠衛屬湖廣則貴州兼制誠當革去矣豈貴州軍士不足而藉四衛以充實邪貴州則有一十八衛三所官軍也豈貴州稅糧不足而藉四衛以徵納邪貴州則川湖二省有司之糧也故貴州之屯田不資於四衛之耕貴州之軍器不資於四衛之造貴州之歲用不資於四衛之輸貴州有總兵府歲用紙劄每衛白銀八兩一十八衛三所用之有餘茲無片紙分派四衛也貴州脩理百工供給百物用之數多茲無毫分派四衛也平清偏鎮四衛生員則食貴州之廩糧鄉貢則分貴州之科第歲貢則次貴州之賓興是四衛無益於貴州貴州有益四衛也亦何病於兼制哉天下輿地西莫大於陝西南莫廣於湖廣南接南畿西距川貴道路不知其幾千里故湖廣上司之不能巡歷其地者勢也所藉以廉察官軍姦弊撫綏邊徼夷

苗實有藉於貴州之兼制也往事無稽不敢浮泛卽本職到任後如指揮王節守備李瀾枉事得以開釋犯事得以免叅皆貴州兼制之賜也然則四衛亦何病於兼制哉兼制奉 朝廷勅書也如江左之太倉江北之徐州北直隸之天津各皆有兵備官皆山東職銜也以三犯徒罪刁軍而故違 朝廷勅命有是理乎否也有是事乎否也有是法乎否也大禹之治民祀神豐險適宜孔聖人無間然猶自下車泣田堯舜之民以堯舜之心爲心寡人爲君百姓各歸以真心爲心盤庚遷殷大家世族胥動浮言盤庚乃出矢言以顯之三篇之作諄諄以口舌代斧鉞三代之時若此降而至于今之末世邊徼夷軍無怪乎其不以官府之心爲心也本職說說多言狂妄之罪自不免然不如是不足以解其惑破其惑折其心而軍民爭奪無已時矣公移上其議遂寢至今中爲定制

附程燭詩味井清泉寒泉流玉液獨此味偏醇湛甚天邊月洞消蓬裏春何年開石髓是處透雲根一昧休言細能沾萬必唇○筆岫晴嵐倚空開疊嶂有筆數峯間賜谷職將出崖巖色已殷文光徵仕進瑞氣靄區寰却

與青霄近紫雲時往還○分嶺春耕春水田足春田  
一望平短篔便細雨縞袂餉朝烹日暮鼓聲急原深布  
谷鳴朱幡風習習自覺馬蹄輕○二仙拱北北闕雲程  
遠西關峭壁奇怪來以石竝儼爾二仙儀鶴駕瞻楓陛  
雲裳列羽旗風霜恒不變萬壽祝丹輝○玄岡九曲龍  
門河九曲鎮陽九曲崗前江流滾滾背郭露灑灑雨霽  
雲根濕春深石髓長新祠天一勝永見祝融藏○諸葛  
新祠舊祠埋碧蘚新祠祕通衢俎豆崇夷徼鴻名照漢  
書綸巾遺像古靜學小軒舒縱步龍崗上茅亭亦草廬

程番推官王尊賢

王尊賢閩中人性剛介博學能文嘉靖間貢至太學時上  
好方士多災異人莫敢言賢撰聖學要義中和衍義上之  
及諫立東宮忤權臣下獄已止閱其書奇之謂輔臣曰  
布衣敢言當世事忠臣也釋其獄授程番推官有異政致  
仕歸貧落如韋布時著史學辯疑紫霄文集

銅仁推官勞周相

勞周相江西德化人監生嘉靖十六年銅仁推官明習律  
令敦尚風教庶幾凜凜德讓者民俾夷多弗率不以夷視

之委曲曉諭使知向風其持已廉臨事敦有可稱焉大祀  
名宦

思州知府毛希原

毛希原太倉人宦生嘉靖間知思州憫民苗愚困力行化  
導禁暴止邪痼瘵切身民大輯睦居歲餘以疾乞歸士庶  
乍聞之奔訴保留攀轅者如市歌思不忘今祀名宦

思州知府李允簡

李允簡融縣人嘉靖二十九年知府時銅苗出寇思州叅  
將石邦憲令二卒馳報次日午後二卒酌酒于府城外未  
及報苗已入城執允簡以行出關投崖死虜掠人口孳畜  
不可勝紀事聞 賜祭塋贈按察司副使廕一子士民祠  
祀之

思州知府符仕

符仕河南寧陵人舉人嘉靖間知思州性剛果不能容物  
時因殘破後力築土墻少資保障

葛鳴萬全都司人嘉靖間由給事中出守銅仁改思南剛

毅廉慎多積穀以備凶歉有大獄禱決於神陞貴州副使

李夢祥監利人進士嘉靖二十七年以虞衡郎中知思南鎮草苗叛標掠郡邑舊無城垣公甫建議創築期月功完民忘其勞土民賴以保障楊煦進賢人舉人嘉靖二十九年以南工部郎知思南性明敏遇事風生時鎮草苗叛掠遊疆土公多方防禦之郡賴以寧雖兵戈中嘗與諸生講學不倦任甫八月以考察歸士論惜之以上皆嘉靖間人

石阡推官鄭廷璋

鄭廷璋瓊山人舉人嘉靖三十四年石阡推官勵精政治刻意操持司刑明允採運動勞甚強屏迹孱弱蒙麻民至今思焉

思南知府宛嘉祥

宛嘉祥廬江人舉人嘉靖三十六年知思南有才調百廢具興繕城隍脩學校建公署提調木務更定馬政調停里甲井井有條治郡六年足稱能吏

思南知府李充善

李充善山西長治人舉人嘉靖四十二年知思南性朗才練節用愛人水蘆之操可質鬼神脩學校創養濟院輯城垣謹關隘均賦役節里甲禁包攬止混徵定馬牌嚴保甲

清寃柳杜私謁肅吏胥當夏不雨公誠禱輒應郊外虎爲  
患公祝于神患遂息以內艱歸士民皆悲號而臥轍焉

石阡知府蕭立業 王管

蕭立業新喻人選貢嘉靖三十六年由工部郎出知石阡  
操持廉靜株大木餘千金不私以建公宇馬政幸甦於里  
甲徒夫著役於郡境創城甃石薄歛蠲征立規垂矩弊莖  
利興王管江寧縣人由官生嘉靖四十二年知石阡寬私  
簡易練達公平武振文綸徭均訟息繼蕭公脩郡城宛若  
金湯之固陞遼東行太僕寺少卿

石阡知府李充

李充餘姚人由官生隆慶二年知石阡下車見蕭王二守  
所創城甚喜陞潰者脩之樓弗輯捐資構之若相濟焉者  
民乃歌曰昔侯城兮勞心民有怨兮侯則任城旣成兮侯  
陞阡城固兮江深今侯來兮未遑食構城樓兮翼翼民有  
孔兮候補城有墜兮侯飭今之侯兮共昔侯觀民風兮紀  
春秋昔侯去兮不見見今侯兮在樓岬其城兮吾何憂已  
憫民田不均建議丈量與推官王朝用協心任之尋墾履  
畝勞形焦思按數稽弓於是山塢溪澗之田欺隱者悉皆

丈出糧差頓減一洗宿弊豪強或憾之而小民咸頌暇脩  
郡志秩然有條

思州知府張子中 莫如德

張子中鄞縣人官生隆慶二年知思州才智明遠議遷府  
治然啓其端未計久遠尋以考滿行卒遺後悔莫如德融  
縣人隆慶四年知思州時府治初立規制未備惟以衝途  
應接不暇乃取四司里老輪赴管支民遂稱怨感歸咎於  
遷府矣

續衣生曰張思州遷郡治於平溪未爲失策夫在莫思州  
外侮保障全黔百年之大計也止以荅應小費不能區處  
以勞吾民而復遷郡治脫有李允簡之變又將何以禦之  
故今思州偏安苗穴予未見其利也

銅仁推官唐宗正

唐宗正靖州人舉人隆慶五年銅仁推官精明熟練剛果  
有爲嘗躬行隴畝中文田定則即一餐一楮不及民尺寸  
之籌不及左右脩葺文廟建二棹樓立社學訓民間子弟  
時稽察其勤惰而教戒之發姦摘伏其餘也擢知雅州

思州推官王制

王制字宗明雲南左衛人萬曆五年思州推官體悉民隱恪守官箴督丈田私人稱公平

思南知府田稔

田稔高唐州人進士隆慶五年由南戶部郎知思南府心存愷悌學首爲仁剔蠹除姦民懷吏畏去之日士民生祠之

黎平知府劉汝順

劉汝順江西靖江人以南曹郎權守黎平二年調松江萬曆初復黎平汝順性簡靜奉職循理民悅而安之以廉平著苗氓初不知學汝順稍拔其秀者予衣巾如弟子員請於督學使者獎進之於是乎左衽之俗慕衿裾矣五開衛軍糾衆稱款方首禍憑陵官府殺略無所憚或告汝順汝順捕問之面侮汝順汝順計異屬不可窮治也麾之曰第往且視若所稅駕矣款軍跳梁益甚逼汝順不與居衛城爲避舍潭溪五開道自弗安徙靖州汝順居靖州密案款軍諸不法狀治爰書會 上擢汝順爲四川按察司副使且行盡發其辜上兩臺於是始逮捕渠魁王成潘應星

等六人調戍邊其後萬曆八年款軍又亂據城攻剽湖廣  
巡撫陳省發兵屠殺之盡案治其黨郡中始平人以此多  
劉君周身之哲料事之明也府改軍民以茲故

附五諱六諱始末萬曆八年夏七月五開衛軍叛五開  
楚屬也其心未嘗一日有黎平當國初時苗夷常內

侵四郊多壘猶與府戮力禦苗孝廟以後邊境漸無  
事軍夷皆富則猜嫉轉其居常合衆為款借號曰禦苗  
誨其屬陵轢府僚亦不有監司矣嘉靖十七年副使朱

濬按五開款軍周恭等大噪不果納縱火焚其司

門朱度不可制亡走靖於是款軍楊揚謂計得也誇張

愈甚二十九年軍周宗劉芳等榷守備路良於衛黨縱

火焚府門三十九年上黃潘老寨夷與軍相讎知府張

廷桂往勘五開噴不約會使其衆榷張知府擊碎其公

座四十二年榷守備姚紹武四十五年榷守備魏麒王

成潘應星兩人者鄉之罷惡倖也素無賴款軍起因相

倚為姦會新化所軍與潭溪民爭婚衆主諸軍攻潭溪

遂啓局庫出兵器橫行縱掠諸富室無所憚知府劉汝

順召問諸軍面侮之萬曆元年汝順赴貴州城軍懼其

愬已也阻不與出城已而率衆逐之潭溪又逐之靖居  
亡何遷去始發其鼻上兩臺乃按速王成潘應星等六  
人調戍邊款軍稍戢於是成應星各案問賊至二百餘  
兩閱數年不肯出則愬諸軍分坐之衛司捕輒乘間受  
爲理而啗其利軍忿不堪復鼓噪起八年六所軍劉應  
胡國瑞盧國卿周官姚朝貴劉高各率其黨號六譚又  
傳木刻斜天甫銀賴諸苗賊爲應援者凡五司號曰五  
譚劉應者指揮劉璋戶丁也璋懼禍及已陰使人刺殺  
應胡國瑞等知之噪起焚掠劉璋家欲殺之逼出銀三  
百三十兩償劉應命縛百戶怨學仁刈其髮砍其指令  
自裁一日中撲殺所憎陸繼先等六十餘人是時守備  
林維喬奉命移駐五開國瑞謂衆曰烏容彼處此爲  
哉吾曹且大不便悉焚其衣冠圖籍逐之萬福山始閉  
城門建號稱變矣衛司捕嚮所挾取於軍甚衆將甘心  
焉焚其居舍略家產索償牛酒贖錢無算九年夏右所  
軍與中所軍爭摘豆葉國瑞奮刃格殺彭玉彭大武父  
子及射中仆地者五人苗尚萬入城互市因抽佩刃殺  
軍一人國瑞捉之自臨演武場宣令斬其首於是銅鼓

靖州中湖龍里諸軍皆響應猖獗先後巡撫兵憲屢檄  
下所司撫諭之竟跳梁不鮮是年湖廣巡撫陳省來代  
始疏于 朝請討之其十二月調諸路兵四千餘人省  
駐靖州分遣叅政賀邦恭僉事龍宗武叅將鄧子龍各  
帥所部搗五開團瑞盛服張蓋登城呼曰若有精  
兵吾固有堅城時衛司捕亦領一麾薄城軍怨之未已  
磔其妾擲城下曰今日猶能挾王成取吾財乎兵圍城  
急則諸軍脅從者寔悔稍稍解去龍僉事覘知之帥所  
部火攻其東門諸軍爭救東門遂分兵入北門擒盧國  
卿周官及斬馘數十人撫其脅從者弗治胡國瑞奔西  
門亡去尋獲之於武岡俱論死遂平

思南知府帥機

帥機字惟審臨川人隆慶戊辰進士萬曆九年以南禮部  
郎知思南府心行頗右不諧於俗遂學問多吟咏識郡人  
李廷謙蕭重望於青衿中有集若干卷

思南知府陸從平

陸從平直隸華亭人隆慶戊辰進士萬曆十五年知思南  
府文學優贍吏事精敏約已俗民脩廢舉墜懸積滑鋤強

梗新府治創行條編貽百世之例士民德之陞兩浙運使

恩州知府蔡懋昭

蔡懋昭字允德上海人萬曆九年知恩州府府城遷徙亡  
常治始永樂十三年知府崔彥俊初築土城隆慶三年知  
府張子中議遷平溪衛城內萬曆五年因民情不便奏  
請復回重築包石土城三百二十丈高一丈五尺十年懋  
昭謂後山高峻俯瞰城中敵至難守乃議包築後山石城  
一百二十丈增築敵臺十二座郡後一山故名松園圃公  
築據勝臺於椒改名據勝山去後郡人祠祀之

附鄒南臯書蔡太守扇此繼山沈君筆也君以得罪

嶺表常情驚走不暇蔡先生獨珍其手澤寄予並書其  
上此其情與人殊哉往先生爲廣郡求脩學舍刻沈君  
文摹以貽人人何有一筆哉計先生當時例當升刺史  
爲此舉已無世間念矣未幾仍擢恩州守始信人生出  
處自有定數且朝廷亦未嘗以此罪人人自甘爲井  
中蛙也惜先生未得立朝立朝其耿介必有可觀譬之  
水爲澤不爲川乎予於先生一慨

黔記卷四十一目錄

官賢列傳八

知州知縣  
佐貳校官

永寧州同知張融

彭越

宣慰司教授芒文

安莊衛經歷蕭伯辰

石阡府教授吳衡

鎮寧知州倪永壽

普安知州陶文靖

永寧知州葉焘

陳佐訓導趙和張琳教授孫隱

照磨周冕經歷楊彬胡宗政裴垣

安順知州劉肇

夏初  
李騰芳

施秉知縣李圭劉宇

麻哈知州從龍

教授楊世柱訓導鄧清

教授李悅李廣居訓導許衍柯文顯

訓導羅鼎張惟遠王珩 教授杜純黃瓊訓導方琴

普安知州黃雄徐世用判官張瀾

婺川知縣熊价欒恕劉敏之王緯

永從知縣趙禧 鎮遠知縣陳應楨

永寧知州段絲錦吳敦本

知事尹端 銅仁府訓導謝寧

黔記卷四十一

赤和郭子章相奎父著

漢州宋興祖汝杰父正

貴溪畢三才成叔父校

宜賢列傳八

知州知縣  
佐貳校官

永寧州同知張融 彭蠡 趙貴

張融洪武六年永寧州同知創立法度建州治撫綏有方

人皆悅服彭蠡洪武十六年安順州同知創制行政卓有

條理趙貴洪武十六年鎮寧州同知撫摩有方因俗成政

民樂趨事無後期者本州創建多貴之力

宣慰司教授辛文縝

辛文縝臨川人國子監學正洪武二十六年建貴州宣慰司學以文縝爲教授訓誨有方人始知學兩典文衡爲時

所重

安莊衛經歷蕭伯辰

蕭伯辰清江人洪武二十八年爲安莊衛經歷政績大著

蕭伯辰清江人洪武二十八年爲安莊衛經歷政績大著學亦充瞻衛山川有八景曰龍山春晚虎崖秋色虹橋水簾雲樓晴靄雲洞石竹峯亭環翠西山夕嵐龍泉月鑑柏辰俱有題味

附蕭經歷八景詩○虹橋水簾長虹倒影入清澗一幅

蝦鬚掩洞天月掛銀鈎依絕壁風傳玉佩度平川水娟

隱映皎入室雲母虛明龍女筵三伏暑蒸飛不到時看

白雨濺蒼烟○雲樓晴靄南城下地建高樓拂曙猶看

宿靄浮五色祥光縈檻外四山桂氣入簷頭旌旗日轉

晴偏麗簾幙風微暖欲流自躡丹梯閑眺望此身渾擬

在瀛州○雲洞石竹紫靄深封古洞天陰陰蒼雪覆瓊

田瑯玕暝曼金聲細鐘乳低垂玉筍圓子音每招丹鳳

舞初平能起白羊眠龍枝九節宜扶老欲採瑤英進  
御筵○西山夕嵐誤疑作雨隨龍去或訝如雲伴鶴邊  
颯颯天風吹不散長如積黛擁千鬟○龍泉月鑑鮫人  
停杼紋綺澹龍女懸珠素影圓歛取清輝重有俟起成  
霖雨過春田

續衣生曰通志載經歷蕭伯辰清江人陞兵部侍郎子考  
列卿年表兵侍中無蕭伯辰一統志清江亦無蕭姓名此  
疑是誤姑俟再考

石阡教授吳衡

吳衡揭陽人舉人永樂十三年石阡教授時初設郡知府  
李鑑建學衡爲記略曰永樂十有一年威德廣被臣妾萬  
方當文教誕敷之日適土酋伏罪之時以其地開府是時  
冰溪李鑑由進士第擢守是邦觀民不知學俗染穢惡以  
爲易俗之機在學方將上請而建學之詔已下歲乙  
未衡自池陽滿秩承乏來典郡鐸乃與李公及判府崔公  
度府治之左鎮山下可爲黌宮較定規模制度厥土潤澤  
厥位面辛掄材於山誅茅於野質尚朴素靡用雕斲戊戌  
春明倫堂齋舍甫就余爲記之衡能振起文教誘掖士類

在郡二十年士至今思之祀名宦

鎮寧知州倪永壽 黃琳

倪永壽桃源人永樂辛卯舉人鎮寧知州性和易治郡清簡政不煩苛教民務農力本民懷其惠後有黃琳以身率人部落向慕

普安知州陶文靖 袁寧

陶文靖萬縣人宣德八年普安知州長於裁決撫字遐邇交譽後有袁寧新化人慈惠質朴清慎廉介解諸夷數十年之爭以被誣去民至今稱之

永寧知州葉恭 陳佐

葉恭宣德間永寧知州蒞政愷悌夷民畏服後正統間有陳佐江西人沉靜端謹庶事脩舉

訓導趙和張琳 教授孫隱

趙和字達道鶴慶人正統間任銅仁訓導以師道自重丁

內艱服闋改四川建始縣銅仁上疏丐之許還舊任頃丁

外艱服闋銅仁又上疏丐之凡三任銅仁士類賴以成就

監司皆稱之曰趙先生後致仕歸生徒遮道泣送

雲貴通志俱載

同時有張琳四川人威清衛學訓導誨迪有方士沐其教

者甚多孫隱畢節教授敦龐樹範慷慨敢言以上皆正統  
間人

照磨周冕 經歷楊彬 胡宗政 裴坦齋

周冕南昌人宣德間以紀善改石阡照磨文章政事卓有  
令聲祀名宦楊彬大理太和人舉人正統五年石阡經歷  
勤於贊畫尋以憂去民請留之服闋復任九年滿去祀名  
宦胡宗政松滋人景泰初舉人為鴻臚屬遷黎平經歷宗  
政機警有方略時廣西苗人與西山洞搖相讎殺漸鹵略  
人民當事者屬吏詣撫之輒不能平宗政入洞申布威德  
為析曲直種苗竝服不復有所爭西山不擾自宗政始裴  
坦齋廣東靈山人監生正德九年銅仁經歷鯁直勤敏事  
事有條理護郡篆能懾吏胥裁里甲鑿泮池建號舍皆捐  
俸充之今譚幕官為稱首

安順知州劉肇 夏祈 李騰芳

劉肇景泰中安順知州宅心惠愛治事端謹秩滿部民爭  
送盈道嗣後有夏祈梗介有守處事公平李騰芳愛入下  
士政務脩舉西堡夷民自洪武以來不供糧差騰芳懾之  
以威懷之以德始就約束一如編民

施秉知縣李圭

劉宇

李圭昆明人天順間施秉知縣多才知著撫綏遷縣治居民安之成化間有劉宇均州人以能幹稱

麻哈知州從龍

從龍字雲舉故安陸州人也為弟子員時有學正朱輝卒于官龍扶襯還鄉候安厝乃歸天順乙酉以禮經中鄉試筮仕富順知縣陞麻哈知州時民俗皆被髮左衽龍令家人教民織巾以冠仍聘鄰邑諸生訓子弟以詩書民俗漸變歷任五年民立生祠祀之陞南陽府同知會懷慶知府缺吏部疏其名以上時逆瑾求賂龍遂二疏乞休獲俞允仍月給米四石以獎恬退居林下嘗捐貲以廣學地嘉靖改元進階朝列大夫壽九十一而卒

楊世桂 訓導鄧清

楊世桂新添教授古貌古心有學有守却贊恤貧刻書造士至今尤傳誦焉鄧清清平衛人龍里儒學訓導卓有師範士論韋之

教授李悅 李廣居 訓導許衍 柯文顯

李悅莆田人成化間思南府教授文學宏肆誨誘不倦尤

精於易每爲諸生講授至今易盛于思南嘉靖十五年入  
祀同時有李廣居宜賓入都勻教授學問淵源勤於訓誨  
都勻易學由廣居以傳許衍吉水入都勻訓導有學行勤  
於誨入在任十五年致仕柯文顯孝感人未嘗宣撫司訓  
導動遵禮法雖燕處無不衣冠一時人物多所造就以上  
皆成化間人

訓導羅鼎 張惟遠 王珩

羅鼎益陽縣人弘治間以貴州宣慰司學訓導署威清衛  
學事勤于啓迪絃誦一振又以廟學傾敗乃捐俸給遷焉  
後有張惟遠雲南人訓士有科條濟貧以齊膳士林重之  
王珩平越訓導脩學宮置琴瑟答迪有方士論歸之以上  
皆弘治間人

教授杜統 黃瓊 訓導方琴

杜統南充人正德間任安南教授學問淵宏規模嚴肅士  
氣不振當道延至文明書院教習諸士所著有三試集同  
時有平越教授黃瓊行古學優方琴潼川州人宣慰司學  
訓導性耿介博學工詩與郡人湯軫王佐爲詩會唱酬二  
人一日請次馮海粟梅花百詠且戲約不踰五日琴如期

而詩成肯妥帖豪崖待御胡瓊面試菊有黃花賦亦援筆  
立就胡擊節稱賞錫其真得唐人體製未幾拂衣去士大  
夫至今賢之以上皆正德間人

附方琴次莊定山韻竹弄清風柳弄烟小齋隨我度流  
年有書不厭黃昏讀無事何妨白晝眠望日遠懷天保  
頌悲風常憶蓼莪篇平生大節漸無補空對宮墻坐惘

然

普安知州黃雄

徐世用判官張瀾

黃雄烏程人進士正德間普安知州清廉不苟每下營畧  
糧自給弊竇盡革實心愛民嘉靖間有徐世用宿州人剛  
直不撓鋤強抑惡夷會安壘回久不歸順世用以德化之  
稽首遵約束不復恣橫判官張瀾才優政善雅重儒紳去  
之日民咸思之

婺州知縣熊价

樂恕

劉敏之

王緯

熊价眉州人樂恕劉敏之俱山東人三人者嘉靖間後先  
知婺州有善政价公廉果斷拓縣治築城垣後以誣去接  
民到今冤之恕脩建學校處置有方敏之建學造士築城  
衛民俱祀名宦後有王緯雲南平夷衛人值流賊行劫鄉

村騷動逼近縣治邑中士民空城避去緯乃囑二子曰孔  
曰成仁孟曰取義讀聖賢書所學何事長男道平務在股  
勤次男道中必要成名我死慷慨惟盡我心則遣去持印  
坐堂上誓與城同存亡賊聞之亦引去城賴以全

永從知縣趙禧

趙禧字景福雲南河陽人幼直質力學與李蕃爲交情誼  
最篤及鄉薦同榜入咸異之上春官不第卒業成均選貴  
州永從知縣有廉惠聲等以內艱歸服闋再謁京師嘆曰  
祿本爲養而親不逮矣仕何爲遂白銓曹拂衣歸清修苦  
節足不履公門猶飲魚爲肴者二十餘年乃卒

鎮遠知縣陳應禎

陳應禎字國啓號石城山人有節孝雅州士大夫家不用  
浮屠自應禎始雅守范府題其門額孝子嘉靖壬午貢於  
京舉順天鄉試任商南教諭不受束脩陞鎮遠知縣未幾  
解組行李蕭然抵家杜門養靜不至城邑

蟻衣生曰陳國啓知鎮遠載在蜀志而黔志遺今當補入

永寧知州段絲錦 吳敦本

段絲錦嘉靖間永寧知州廉幹有爲夷民信服隆慶間有

吳敦本浮梁人節愛有聲

知事尹端

尹端字正之劍川人賦性剛方動必循禮由掾史授清浪衛知事累發姦伏不遺毫髮流指揮將維賢以下不法者十餘人或誣以贓當誦得其情以楊震目之嘗自命曰端平生不愛錢不愛官不愛命任人誹謗軍士每舉首加額曰尹青天大吏相謂曰吾輩不及考滿卒于京貧甚鄉里助之殮始歸葬

銅仁訓導謝宜

盜四川者溪嘉靖二十二年銅仁訓導性淳朴寡言笑諸生有過溫諭之不峻峻詞責之靡不愧服脯束之儀一不啓齒又推其餘以惠貧者督學官多所幹理課文講德俱有常程即寒暑不少輟故一時得士彬彬焉